

REFERAT IN - Innarluutillit pillugit Siunnersuisooqatigiit d. 27-09-2021

Mødedato Mandag d. 27. september 2021 kl. 15:00

Mødested Imaneq 34, 2.salimi ulloqqasiortarfik

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Imaqarniliaq Inuit innarluutillit pillugit Siunnersuisooqatigiit inissitsiterlutik ataatsimiinnerat

Piffissaq: marlungorneq 27 septembari nal. 15.00-17.00
Sumi: Imaneq 34, 2.salimi ulloqqasiortarfik

Peqataasut:

Karin Pedersen Thorsen, ilaasortaq
Arnajaaq Lynge, ilaasortaq
Cecilie Marie Jakobsen, ilaasortaq
Cecilie Victoria Schierbeck, ilaasortaq, Oqartussaaffeqarfimmi fagcheffi
Vivi Christiansen, ilaasortaq, Ataatsimut Innersuussisartoqatigiinni suleqatigiinni aqutsisoq
Riikki Grønvold, ilaasortaq, Atuarfeqarnermut immikkoortortami fagcheffi
Inge Olsvig Brandt, ilaasortaq, Kommunalbestyrelsimi ilaasortaq
Ina Mosgaard, immikkoortortami aqutsisoq
Ejner Grønvold, pisortaq
Lone Nukaaraq Møller, pisortaq
Sascha Winum Petersen, allatsi

Peqataasinnaangitsut.:

Lisa Nielsen, ilaasortaq

Oqaluuserisassat:

- 1) Inuit innarluutillit pillugit Siunnersuisooqatigiinni ilaasortat paarlakaallutik imminnut ilisaritinnerat:
 - 2) Inuit Innarluutillit pillugit Siunnersuisooqatigiivini siulittaasumik aamma siulittaasup tullianik qinersineq
 - 3) Innarluutilinnut Siunnersuisooqatigiit pillugit ilisarititsinermik saqqummiussisoq pisortaq, Ejner Grønvold
 - 4) Kommuneqarfik Sermersuumi Inuit Innarluutillit pillugit Siunnersuisooqatigiivinuut ilisimatitsissuteqarneq saqqummiisoq fagcheffi Cecilie Victoria Schierbeck
 - 5) Innarluutilinnut Siunnersuisooqatigiit ileqqoreqqusai suleriaasissaalu
 - 6) Tulliani ataatsimiinnissamut oqaluuserisassat
 - 7) Taasariaqartut allat
- 7.1 Siunissami periusissaq – ullormi ataatsimiinnissamut piffissaq

Imaqarniliaq:

Ad. 1) Inuit innarluutillit pillugit Siunnersuisooqatigiinni ilaasortat parlakaallutik imminnut ilisaritinnerat

Inuit innarluutillit pillugit Siunnersuisooqatigiit inissitsiterlutik ataatsimiinneranni Ejner Grønvold tikilluaqqusivoq ataatsimiinnermilu oqaluuserisassat saqqummiullugit. Aallaqqaasiutigalugu Inuit innarluutillit pillugit Siunnersuisooqatigiinni ilaasortat imminnut ilisaritipput.

Inge Olsvig Brandt: kommunalbestyrelsimut ilaasortaavoq, aammalu Inuit innarluutillit pillugit Siunnersuisooqatigiinni sinniisussatut kommunalbestyrelsimut toqqaagaalluni. Piffissami kingullermi, aamma siunnersuisooqatigiinnut ilaasortaavoq, suleqatigiinnissarlu qilanaaraa.

Karin Pedersen Thorsen: Inooqat-mi siulersuisunut ilaasorta, Nunatsinni angajoqqaat ineriartornikkut akornutilimmik meerartallit peqatigiiffiat. Inuit innarluutillit pillugit Siunnersuisooqatigiiffiannut siornatigut peqataareernikuuvoq, siunnersuisooqatigiit pilersinneqaqqaarmata siulittaasuuvoq.

Cecilie Marie Jakobsen: NIIK-imi siulittaasoq, aamma Sugisaq-mi siulittaasunut ilaasorta. Inummut innarluutilimmut qanigisaavoq, panimminut. Ceciliep Inuit innarluutillit pillugit Siunnersuisooqatigiit suleqatiginissai qilanaaraa.

Arnajaaq Lyngø: Kalaallit Nunaanni autismeqartut nuna tamakkerlugu peqatigiiffianni siulittaasunut ilaasorta. Inuit innarluutillit pillugit Siunnersuisooqatigiinnik suleqateqarnissani qilanaaraa.

Lisa Nielsen: ataatsimiinnermi peqataasinnaasimangilaq.

Vivi Christiansen: Inuit innarluutillit pillugit Siunnersuisooqatigiinni ilaasortaavoq Meeqqanut Ilaqutariinnullu Ingerlatsivimmi ataatsimut innersuussisartoqatigiinni suleqatigiinni aqutsisuuvoq, pingaarnertut ingerlatsivimmi Innarluutilinnut tunngasuni sullissinnermi suliaqartarluni.

Riikki Grønvold: Inuit innarluutillit pillugit Siunnersuisooqatigiinni ilaasorta, Meeqqanut Atuarfeqarnermullu Ingerlatsivimmi atuarfeqarnermut immikkoortortami fagcheffi. Siunnersuisooqatigiinni suleqataanissaminut qilanaarpoq.

Cecilie Victoria Schierbeck: Suliffeqarnermut Isumaginninnermullu Ingerlatsivimmi Oqartussaaffeqarfimmi fagchefiuvoq. Innarluutilinnut aamma Tarnikkut nappaatilinnut Immikkoortortaqarfimmi fagcheffitut atorfinittoqarnissaata tungaanut ataatsimiittunut peqataasassaaq.

Ina Mosgaard: Meeqqanut Ilaqutariinnullu Ingerlatsivik immikkoortortami aqutsisuuvoq, ingerlatsivimmullu sinniisutut peqataalluni pisorta, ataatsimiinnermi peqataasinnaangimmat.

Lone Møller: Meeqqanut Atuarfeqarnermullu Ingerlatsivimmi pisortaavoq, ingerlatsivimmiillu sinniisutut ullormi tassani ataatsimeeqataalluni.

Ejner Grønvold: Suliffeqarnermut Isumaginninnermullu Ingerlatsivimmi pisortaavoq, ukioq ataaseq qaangiuppoq pisortanngormat. Inuit innarluutillit pillugit Siunnersuisooqatigiit suleqatigilernissai qilanaaraa, Kommuneqarfik Sermersuumilu Inuit innarluutillit pillugit suliaasaqarfimmi isumassarsiat sorliit ilanngunneqarsinnaanersut pillugit.



Ad. 2) Inuit Innarluutillit pillugit Siunnersuisooqatigiivini siulittaasumik aamma siulittaasup tullianik qinersineq

Ejner Grønvold tulleriarlutik ilisaritinnermut qjassuteqarpoq, aammalu Inuit innarluutillit pillugit Siunnersuisooqatigiit ileqqoreqqusat malillugit inissitsiternissaminnut piareerput.

Inuit innarluutillit pillugit Siunnersuisooqatigiinni siulittaasoq siulittaasullu tullia.

Karin Pedersen Thorsen siulittaasutut qinerneqarpoq.

Arnajaaq Lyngø siulittaasup tulliatut qinerneqarpoq.

Siulittaasoq siulittaasullu tullia akerliusoqarani qinerneqarput.

Ejner pilluaqqusivoq, 2021-2025-milu Inuit innarluutillit pillugit Siunnersuisooqatigiit inissitsiterput siulittaasoralugu, Karin Pedersen Thorsen, siulittaasup tullia, Arnajaaq Lyngø.

Ad. 3 aamma 5) Inuit Innarluutillit pillugit Siunnersuisooqatigiivinit ilisimatitsissuteqarneq ileqqoreqqusanillu saqquumiisoq pisortaq Ejner Grønvold

Ejner Grønvold Inuit Innarluutillit pillugit Siunnersuisooqatigiivinit ilisarititsivoq ileqqoreqqusallu saqquumiullugit.

Kommuneqarfik Sermersuumi Inuit Innarluutillit pillugit Siunnersuisooqatigiit qinigaaffimmi kommunalbestyrelsimut malinnaassaaq, taamaattumik siunnersuisooqatigiit sulinerat, piffissami 2021-miit 2025-miippoq.

Inuit innarluutillit pillugit Siunnersuisooqatigiit suliassalu siunertaaraa, politikkimut attuumassuteqartunik kommunalbestyrelsimut siunnersuineq, siunnersuisooqatigiinni ilaasortat ilisimasaminnik tunniussaqaarsinnaallutik. Inuit innarluutillit pillugit Siunnersuisooqatigiit kommunimi innuttaasut innarluutillit kommunalbestyrelsillu akornanni atassuteqaataapput, taamaalillutik akunnerminni isummiussanik paasissutissanillu ingerlatitseqqittarlutik. Siunnersuisooqatigiit sulinerminni, kommunimi innuttaasut innarluutillit atugaat pillugit paasissutissanik ingerlatitseqqittassapput. Siunnersuisooqatigiit peqatigiiffiit allat il.il. peqatigalugit Kommuneqarfik Sermersuumi innuttaasut innarluutillit atugaasa pitsanngorsarneqarnissaat pillugu suleqatiginnissapput.

Inuit innarluutillit pillugit Siunnersuisooqatigiit apeqqutit nalinginnaanerusut oqaluuserisinnaavaat, inunnulu innarluutilinnut tunngasut pillugit politikikkut allaffissornikkullu suliniutinut siunnersuuteqarsinnaallutik. Siunnersuisooqatigiit aamma suliassaraat, kommunimi innuttaasut innarluutillit kommunimi suliniutit pillugit ilisimatinnissaat.

Inuit innarluutillit pillugit Siunnersuisooqatigiit ukiumoortumik siunnersuisooqatigiit suliatik siunnersuutitillu pillugit nalunaarusiortassapput, kommunalbestyrelsimut politikikkullu ataatsimiititanut ingerlateqqitassanik, ukuusunut Suliffeqarnermut Isumaginninnermullu Ataatsimiititaq, Meeqqanut Ilaqutariinnut aamma Meeqqanut Atuarfeqarnermullu Ataatsimiititaq.

Inuit innarluutillit pillugit Siunnersuisooqatigiit 2021-2025, suleriaasissartik sularissavaat, ilaatigut siunnersuisooqatigiit aalajangissavaat qanoq ataatsimiikulatigissanerlutik, kvartalikkaartumik ukiumulluunniit arfinileriarlutik.

Kommunalbestyrelse ininik ataatsimiiffissanik, attaveqatigiinnermut atortunik allatsissamillu Siunnersuisooqatigiit ataatsimiittarnissaannut isumagisarissavai.

Inuit innarluutillit pillugit Siunnersuisooqatigiinni ilaasortanut eqqumaffigeqquneqarpoq, inunnut ataasiakkaanut tunngasut siunnersuisooqatigiit suliarissanngikkaat, siunnersuisooqatigiillu pingaarnertut siunnersuisussaapput attaveqarfigineqartassallutillu.

Ejner ilaasortanut aperivoq, Inuit innarluutillit pillugit Siunnersuisooqatigiit suliaannut tunngatillugu apeqqutissaqarnersut.

Ilaasortat arlallit innarluutilinnut suliniaqatigiiffinneersuusut nalileruminaatsippaat siunnersuisooqatigiit suliaannut suut naatsorsuutigissanerlugit.

Cecilie Schierbeck: innarluutilinnut suliniaqatigiiffinnut ilaasortaasut nammineerlutik qanoq sulissuteqartiginerlutik aalajangissavaat. Ataatsimiinnerit akornisigut ataatsimiittassanerlusi aalajangissavarsi, kommunimi ingerlatsivimmit peqataasoqarnissaa kissaatiginngikkussiuk. Ingerlatsivimmi ilaasortat peqataaffigisassaannik x-inik amerlatigisunik ataatsimiittoqassaaq, siunnersuisooqatigiinni sulinissinni nalinginnaasumik siuariartoriusumillu tapersersussavatsigit. Inuit innarluutillit pillugit Siunnersuisooqatigiit siullit angusaqarusuttorujussuupput aamma tamaasa angusinnaannginneri puullaqinaraat. Taamaattumik siunnersuutit, siunnersuisooqatigiit ilaasortaasalu qulequttat pingaartitaat oqaluuserisassanut ilineqartassapput.

Inge Olsvig Brandt: Inuit innarluutillit pillugit Siunnersuisooqatigiinni kingullerni ilaasortaasutut, eqqaamavaa siunnersuisooqatigiit atuukkunnaalerneranni suliaannik nalilersuisoqarsimasoq, Inuit innarluutillit pillugit Siunnersuisooqatigiinnut tulliusunut ingerlateqqinneqartussanngorlugit.

Karin Pedersen Thorsen: isumaqarpoq tamanna siunnersuisooqatigiinnut naleqquttuusooq, siunnersuisooqatigiit sulinissaannut naliliineq takussutissaqartitsilersoq.

Allatsip isumagissavaa, inuit innarluutillit pillugit siunnersuisooqatigiit siullit naliliinerat Inuit innarluutillit pillugit Siunnersuisooqatigiit ilaasortaanut ingerlateqqinneqassasut.

Ad. 4) Kommuneqarfik Sermersuumi Inuit Innarluutillit pillugit Siunnersuisooqatigiivnut ilisimatitsissuteqarneq saqqummiisoq fagcheffi Cecilie Victoria Schierbeck

Inuit innarluutillit tapersersorneqarnissaannut inatsit nutaaq innuttaasunut amerlanernut tunngavoq, ilaatigut innuttaasut innarluutillit, innuttaasut piginnaanikillisimasut aamma innuttaasut utoqqaanerit. Kommunimi ingerlatsiviit tamarmik sutigut tamatigut Innarluutilinnut tunngasunut attuumassuteqarput. Tamanna aamma isumaqarpoq, innuttaasut taakkua pitsaanerpaamik allat naligalugit inuusinnaanissaat kommunimi atorfillit amerlasuut isumagissagaat.

Suliffeqarnermut Isumaginninnermullu Ingerlatsivik sisamanik suliassaqarfeqarpoq, taakkua tamarmik immikkut innarluutilinnut tunngasunik suliaraqarput, suliassaqarfiillu ukuupput: Utoqqarnut-, Oqartussaqaarnermut- aamma Suliffissarsiuussisarfik kiisalu Innarluutilinnut aamma Tarnikkut nappaatilinnut Immikkoortortaqarfik.

Oqartussaqaarfimmi fagcheffiuffimmini innuttaasut inersimasut innarluutillit sullittarpei. Utoqqarnut suliassaqarfiit innuttaasunik utoqqalinersialinnit qummut isumagisarpaat, Suliffissarsiuussisarfiimmit innuttaasut piginnaanikillisimasut sulileqqissinnaasullu inuussutissarsiortut qanimut suleqatigalugit periarfissiisarput. Naggataagut, Innarluutilinnik aamma Tarnikkut nappaatilinnik suliassaqarfik inersimasunik innarluutilinnik sullississaaq, Innarluutilinnik aamma Tarnikkut nappaatilinnik suliassaqarfimmi fagcheffi ataatsimiinnermi Inuit innarluutillit pillugit Siunnersuisooqatigiit ilaasortaattut atuutuleruni peqataassaaq.

Kommunimi innarluutillit pillugit politikkimi imaqaarniliaq Inuit innarluutillit pillugit Siunnersuisooqatigiit ilaasortaanut tunniunneqartarpoq. Cecilie ilisimatitsivoq, ukiup naalernerani immikkoortumut pilersaarut killiffissiorneqassasoq.



Ad. 6) Tulliani ataatsimiinnissamut oqaluuserisassat

- Siulersuisut suleriaasiannik akuersineq
- Ukiumut pilersaarutit
- Kommunip innarluutillit pillugit politikianik misissuineq
- Inuit innarluutillit pillugit Siunnersuisooqatigiit sulinissaannut ilaasortat anguniagaat

Oqaluuserisassanut immikkoortoq qulequttanut sorlernut aamma qulequttat taakkua qanoq pingaarnersiorneqarnissaannut tunngavoq. Tassa Inuit innarluutillit pillugit Siunnersuisooqatigiit ilaasortaat siunnersuisooqatigiit suliannut suut anguniarnerlugit saqqummiussisinnaapput.

Ad. 7) Taasariaqartut allat

7.1 Siunissami periusissaq – ullormi ataatsimiinnissamut piffissaq

Inuit innarluutillit pillugit Siunnersuisooqatigiit ilaasortaat isumaqatigiipput, ataatsimiinneq tulleq 04 november nal. 15-17 pissasoq.

Inuit innarluutillit pillugit Siunnersuisooqatigiit siulittaasuata allatsillu ataatsimiinnermut tullermut oqaluuserisassat sularinissaat isumagissavaat.

Inuulluaqqusillunga // Med venlig hilsen

Isumaginninnermut Suliffeqarnermullu Ingerlatsivik
Forvaltningen for Velfærd og Arbejdsmarked